

دائرة مخصوصه

در سعادتده باب عالی جوارنده

محل اداره :

مستطابق

اخطار :

مسلكمزه موافق آثار جديده مع المنوئيه
قبول اولنور

درج ايديلهين آثار اعاده اولنور

ديره، فلسفه، علوم، حقوق، ادبيات و سياستنامه و بالخاصه كرك سياسى و كرك اجتماعى و مدنى احوال و شئون اسلاميه در بحث ايدر و هفته ده بر نشر اولنور.

آبونه بدلى

صاحب و مؤسسلرى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

تاريخ تأسيسى

قيرله دن مقوا بورو ايله كوندريليس سئوى
۲۰ غروش فضله آلنير

۱۰ تموز ۳۲۴

اطلاق اولنوردی . دینلری پک قدیم اولوب حضرت ادریس ایله شیت علیه السلامدن تلقی ایلدیگری و شیت علیه السلامک صحفی کندیلرنده موجود اولدینی ادعاسنده ایدیلر . انجق حضرت ابراهیم علیه الصلوٰۃ والسلام (حیران) ده ایکن قبل الوحی تابع اولدینی دین دخی صحف شیت احکامندن عبارت اولدیغنه شبهه یوقدر . مورخ (مایمونیدس) روایتنه نظراً اول اثنا ده عموم دنیا اهالیسک دینی ابوالفداتک دخی روایتی بونی مؤیددر .

یمیلیر وحدانیت الوهیته قائل و جناب حقک عظمت و قدرتی معتقد ایدیلر . انجق جناب حقه تقرب ایچون برطاقم واسطه لک شفاعتی لزومه ذاهب ایدیلر . جناب حقه اول واسطه لرله تضرع و نیاز ایلرلر ایدی . دعا لرند عبودیتلرینی اعتراف و جناب حقک حکم و قدرتندن خارج برنسنه بولمیدینی اقرار ایلرلر ایدی . جناب حق ایله قوللری ارسنده خطادن معصوم و غیر مرئی و سائطک وجودینه قائل اولدقلری کبی اجرام سماویهدن بولن ان نجومک دخی تأثیرات مادیه لرینه قائل ایدیلر . و بو اعتقاده منبی مواقع نجوم ایله ثوابت و سیاراتک سیر و حرکتلرینه و یکدیگرلرله مصادمه و سقوطلرینه برچوق معانی اسناد و احکام استنباط ایلرلر ایدی . اشیو اجرام علویه ک حرکتلرله لیل و نهارک مقدار و ساعات زمانیه سنی تقدیر و تعیین ایلدیگری کبی اشکال لرندن برطاقم مهرلر و وفقر ترتیب و انلردن استغاثه و استعانه ایلرلر ایدی و اول اثنا ده ممالک عربیه ده و ارض فلسطین ایله مصرده و ممالک سائرده استعمال اولنه کلان نسخه لر انلردن مأخوذدر .

دیرکلر آره سنده

خاتمک ارتومبیل له کیمه یاسلری

اسکیدن باصمه قالب برطاقم امرلر وارنی ، وقت میعاد کلهجه مطبوعات تبلیغ ایدیلر ، غزته لر یازار ، هرکس اوقور ، ممنون اولور ، بوضورتله افکار عمومییه مماشات اولنوردی .

مقصد ، ایش یامق دکل ، اهالییه خوش کورونمک . هرکس ایشک حقیقتی سچه مزیا ، نه حکومت وظیفه سنی یایدی ، دیر ، نظر انتقادی باشقه نقطه لره چویرردی . هیچ برشی یامماق ، فقط هرشیء یاپار کورونمک ... اوزمانک انک اساسی دستور سیاستی ایدی .

صو کرا زمانلر دیکشدی ، ریاکارلق قالمغه ، اوامر حکومتده جدیت کورنمکه باشلادی . چونکه حکومتک یوزی آق ، آلی آجیق کیمسه دن پرواسی یوق . خیر دیه اعتقاد ایتدیکی شیئی امر ایدر ، امر ایتدیکی شیئی هان تطبیق ایدر ...

برچوق مسئله لرده حکومتک بوجدیتی زور انکار اولنه بیلر . یالکنز بعض جهت لرده واردرکه اورالرده نه درجه یه قدر جدیت کوسترمک ایسته دیکی هنوز معلوم دکلدیر . مع مافیه بونقطه یی ده نظر اهیتدن اوزاق بولوندیردیغنه اینانماملی در .

مفرزدر . بوقطه نك اراضیسی مستوی و قومسال اراضیدن عبارت اولمغه قسم اعظمی زراعت و سکاندن خالیدر .

عربستان امصاری شبه جزیره کبی بحر احمر ایله خلیج فارسی میاننده کائندر . اقسام ثلثه سنک انک بیوک قسمیدر مساحه سطحیه سی روایتنه نظراً اوچیک بشیوز درت میل مریمنده در . قطعه مذکوریه مورخ [سولینوس] و سائرلری [ایمان] نامنی ویرمکده و عرلر (یم) تسمیه ایلکده درلر .

مؤرخ (دینسیوس) عربستانک او جهتلرنده بر مدت اقامت ایش اولمسندن طولای قطعه مذکوریه (امیتام) نامنی ویرمش که قطعه محبوبه دیمکدر . فی الواقع قطعه مذکور قطعات سائرده دن دها جسم اولمغه برابرده منبت و محصولداردر و او قطعه آسیانک انزنکین بقعه سی اولدینی روایت اولنیور . قطعه مذکورده پک چوق الماس و قیمتدار احجار معادنی بولمیدینی کبی اشجارندن برچوق پلسنک وضعع عربی ، و سواحلندن غیر استخراج اولمقده در ، و الحاصل قطعه مذکور اول درجه زنکین و اول مرتبه دلنشیندر که جنتدن بر قطعه عدا و انسه سزادر . کلدانیلر زماننده تکمیل عربستان بر حکومتک زیراداره سنه داخل اولوب اولمیدینی مجهولدر . عربلر کرچه بر چوق قبائله منقسم و یهودیلر کبی خارجدن تاهل ایتماک صورتیه انساب قومیه لرینی محافظه ایلشلسده انجق دیانات و معارف قدیمه لرندن معلوم و معروف پک آز اثار قالمشدر . مع مافیه عجملرک و کلدانیلرک علم هیئت و علم نجوم ایله سائر علوم مشهوره لری عربلردن مأخوذ و لدینی مرویدر . لسانلرینه کلنجه (یعرب) نامنده بر ذاتک ظهورینه دکن لسان عبرانی و یاسریانیدن پک فرقی دکلدی .

عربلر ایکی قسمه قابل تقسیم اولدقلری مرویدر ، که بر قسمی عرب عربادرلر که بونلر قحطان بن هبر بن صالح بن سام بن نوحدر و ایکنجی قسمی عرب مستعربه درلر که انلر حضرت ابراهیم الخلیل علیه الصلوٰۃ والسلام مخدومی حضرت اسماعیل علیه السلامی ارض حجازده جرهم قبیله سنک نشیمکاهی اولان (یثرب) مدینه سنه کتوروب انده اقامت و جرهمیلردن تاهل ایلسیله قریش قبیله سیله سائر قبائل مستعربه انک ذریقتدن متولد و متناسلدر . حضرت اسماعیل جرهم قبیله سندن تاهل ایلسیله انلرک عادات و لسانلرینی اخذ ایتمش و کندسی ایله ذریتی قبائل عربیه میانده داخل اوله رق ادرلرنده نسبندن بر فرق قالمشدر لساننه کلنجه جرهمیلرله قحطانیلرک لسانلری بیننده جزوی بر فرق و تفاوت واردر . قحطانیلر (حمیر) لسانیه متکلم اولدقلری حالده حضرت اسماعیل (حمیر) لسانیه جرهم لسانی مزاج ایدرک بر لغت فصیحجه ایجاد ایلشدر .

قحطانیلر عن اصل یمندن هجرت ایتمش عرب عربا قبائل اصلیه لرندن اولمیرینه و جرهمیلر ایسه هجری حجازیه ده متوطن بولمیرینه و حضرت اسماعیل ایسه عبرانی الاصل اولمسنه نظراً قحطانیلر کندیلرینه بر نوع تفوق و رجحان ادعاسنده ایدیلر . یمن اهالیسی سبا ابن یشجب ابن یعرب ابن قحطان ذریقتدن اولدقلردن ناشی کندیلرینه (سبائی)

قبه‌لرینک نیم مظلّم کولک‌لری آلتندن تا قره‌غوله قدر کتوریور ، اوراده بر ره ورائس یاییور ، ینه بو دریای نور ایچندن بر بالق کبی سوزولوب حرماکه عصمتلرینه (۱) تسلیم ایدیور .

هرکس حیرت ایچنده . برازاوته‌ده اولان ایکی آرقداش قونوشیورلر :
— یا هو ! بو نه حالدر ؟

— والله حیرت دن ، تأسفدن باشقه دیه جک یوق .

— عجباً کیملردن در دیرسکیز ؟

— بیلیم ، ضااید استبداد عائله‌لری‌ده منفالرینه آلمشاردی ، ظن ایدرم .

— فرنکلرک مستیزی تبسملرینی کوره بیلدیگز می ؟

— کورمک نه دیمک ؟ تایوره که قدر ایشله‌دی ! . .

— کچلرده قادینلرک تستره ، آداب اسلامییه رعایت ایتلرینه اعتنا اولونمسنه دائر امنیت عمومییه تبلیغات وقوع بولدیغنی غزته‌لریازیوردی . عجباً پولیسک نظر دقتنه چارپمادی می ؟

— آرقه‌دن پولیسک باقه‌قالدیغنی کورمدیگز می ؟ . . او توموبیل‌له کیدن خامساری طور دورمق قولای می ؟ بوکا خیلی جسارت ایستر . یاقادینلر « حریمزه تجاوز ایتدک » دیه یارین قوجه‌لرینی پولیسک باشنه مسلط ایدرلرسه ؟ . .

اوتهدن بر ضابط : — نه مسکین خلق ! کوزلری اوکنده حکومتک امری ، دینک حیثیتی ، اسلامیتک ادبی ایاقلر الله آلیرده سس چیقاران اولماز . حجابلردن یرلره کیره جک ، یاخود نفرتلردن یوزلرینه تو کوره جک یرده کیمی قاشلرینک چکیکلکشدن ، کوزلرینک سیاهلغندن ، کیمی‌ده قوللرینک بیاضلغندن بحث ایدیور . بو قدر قانی قورومش ملت ، بو قدر اسیر شهوت اولمش بر قوم ، بر مملکت خلقی طوغروسی بیزانسدن بشقه یرده کورولمز .

یاننده کی قافقاسیالی ذات علاوه ایدیور : — بزم قافقاسیاده بو حالده بر قادی کورسه‌لر ، امین اولوکیز ، ایصالقلرله ، فولوق یهورطه‌لرله ردیل ایدرلر . حالبوکه بزم نمککتمز روس اداره‌سی التسه ، بوراسی ایسه دارالخلافه اوله جتی ! . .

مأموریندن بر ذات : — فقط عزیزم ، مسئولیت معنویه بی او قدر تشمیل ایتمه‌یکیز . مشیخت لازم کلن اشعاراتده بولونمش ، وظیفه‌سنی یابمش ؛ داخلیه‌ده امنیت عمومییه تبلیغ ایتمش ؛ اوده مرکزله تبلیغاتده بولونمش . بوراده قصور اولسه اولسه دیرکلر آره‌سنک تابع اولدینی مرکزده‌در . بعضی مرکزله قادینلرک آداب اسلامییه رعایت ایتلرینه اودرجه اعتنا اولنیور که جدآ نمون اولماق قابل دکلدر . بتون مرکزله تبلیغ اولونان عین امردر . یالکیز شو وار که مرکز لک او امر حکومتی تطبیقده کوستره جکلری قصور دن طولای مدیریت اولری مسئول طوتار . هم عجباً مدیریت بو حالی خبر آلمش سه مرکز عائدینی توبیخ ایتمه‌مش می در ؟ اونک ایچون نه مدیریتده ، نه داخلیه‌ده ، نه ده مشیختده اصلاً بر وظیفه‌سنلک ، بر مسئولیت معنویه یوقدر . . .

ایشته قادینلرک آداب اسلامییه رعایت کیفیتی بو قیلنددر . حکومت بومسئله‌یه اهمیت ویرمه‌منلک ایتیور ، آره‌صره تستر نسوانه اعتنا ، آداب اسلامییه رعایت اولنمسنه دائر غزته‌لرده بعضی امرلر کورولیور . بر معتاد باب مشیختدن چیقان بو اوامر داخلیه‌یه کلیور . اورادنه امنیت عمومییه مدیریتنه تبلیغ اولنیور . فقط صو کرا نه اولیور ؟ ینه اسکی طاس ، اسکی حمام . دون نه ایسه بو کون ینه او . احوالده بر صلاح کوروله‌میور . عجباً حکومت بو بایده اعمال نفوذدن عاجز می‌در ؟ اگر عاجز ایسه نیچون « بویله یاپه‌جغز » دیه غزته‌لرله اعلان ایدیور ؟ دیمک که حکومت بو بایده جدیت کوستره‌میور . بوقیل حادثاتک تکررینه قارشو بویله شبه‌لرک حصولی طبیی در . بونک ایچون حکومت بر شیئ امر ایتدیمی یابملی در ، یاپه‌میجقه‌سه هیچ نافله یورولمه‌لی ، اجر اسز قاله جق امرلر اصداریله حیثیتنه نقیصه کتیرمه‌لی در . بالخاصه مقام مشیخت علینک بومهمه‌ینی نظر دقتنه آلمسی لازمدر .

کچلرده « شریعت غرای احمدیه‌نک عالم انسانیتنه بخش ایتدیکی احاسن عادات جمله جمیله‌سندن اولان تستر نسوان امره‌همنه بعضی نسوان اسلامییه طرفلردن تمامیله رعایت ایدلمه‌مکده و آداب و اخلاق ملییه‌یه مخالف اوضاع و حرکاتده بولنلمقده اولدیغنی خبر ویریلدیکندن دیناً و سیاسیاً غیر قابل تجویز اولان بو کبی حالات غیر مرضیه‌نک هر حالده منعی و سائلنک استکمالیله دین مبین و شرع قدسیت قرین محمدینک محافظه احکامنه دقت و اعتنا اولنمی خصوصنک تعمیماً اشعاری مقام مشیخت‌نپناهیدن باتد کره‌اشعار اولنقله بر موجب اشعار کیفیت داخلیه نظارتندن امنیت عمومییه مدیریتنه (و تعمیماً ولایاته) تبلیغ و ازبار قلنمشدی . »

شمدی بواشعاری غزته‌لرده اوقویان بر آدم کچن کیجه دیرکلر آراسنده کی رزالتی کورورده حیرت و تأسف ایدرسه معذور دکل می‌در ؟ نه ایدی او حال ، نه ایدی او رزالت ؟ هرکس بهت و حیرت ایچنده‌قالدی . ساعت بشی کچمش ، آلتی‌یه کلیوردی . اوچاقین سسلی او توموبیل وزنه‌جیلردن شو خانه اوته اوته کلدیکنی خبر ویردی . بتون نظرلر او طرفه چویرلدی . نه کورسه‌کر ای ! . . او توموبیل آچیق . ایچنده ایکی قادین ، مسلمان قادینلری ! باشلرنده تللی برر باش اورتوسی ، دیرکلر آره‌سنک طوفان ضیاسی آره‌سنده پارل پارل پارلایه‌رق جلب انظار ایدیور . شفاف بر تول قبارتمه تووالنلر اوستنه سوس ایچون قونمش . کوکساری کشاده ، قوللر دیرسکلره قدر آچیق . دیرسکلرینی او توموبیلدن خارجه چیقارمش ، اللرینی چکه‌لرینه قویمشلر . چشمان حریم‌لری چایخانه‌لرک تا ایچریلرینه قدر نفوذ ایدیور ، کندیلرینه متحیر و منحسر عطف اولونان نظرلرله تلافی ایدیور . اوکده کی ایکی شایقه‌لی فرنکلک بری او توموبیلی اداره ایتمکده ، دیکری یانجه او طور مش کوزلری قادینلره معطوف ، اللری « بامبارت » ی شوخانه اوتدیریور . دوداقلری متبسم ، مستیزی ، بتون انظار محترسانه آره‌سنده بونازنینلری ! کزدیریور ، شهزاده

— نه اویله اولسون ...

اوتهدن چاینی قاریشدیران صقاللی براختیار: — نه که لازم اولاد سنک بوایشلر؟ قوجه سنک سوز کچیره مدیکی برقادینی حکومت می تربیه ایده جک؟ ملت اخلاقی اولمی . انسانک جبلیتی پاک اولمی . زورله کوزلک اولماز ...

— اما انسان متأثر اولور ...

— راحت ایسترسه که او کده اوطور ..!

عالم اسلام

مقالات

دولت عثمانیه و فرانسه

— ۱ —

دیپلوماسیده خیلی قوللانیلان تعبیرلردن بریده تورکیه — فرانسه دوستلغی عنعنه سیدر. همان هرکس بیلور که بودوستلغی ایلاک اول ۱۶ نجی عصر میلادی ابتداسنده، سلطان سلیمان قانونی ایله برنجی فرانسوا آره سنده تکیون ایتمشدی، فرانسه قرالی فرانسوا، تخت حکمداری به اوطوردینی زمان برمسلمان — تورک پادشاهیله عقد مخادنت ایده جک آدمه هیچ بکزمیوردی. اسپانیالی شارلکنه قارشلی المانیا ایمراطور تاجنه نامزدلکینی وضع ایدرکن، اگر انتخاب اولنورسه، بالفانلردن مظفرانه ایلروله ین مسلمان — تورکر علیه، عظیم بر اهل صلیب سفری آچه جغنی اعلان ایدیوردی. لکن فرانسوانک پاوی به محاربه سنده شارلکن اردوسی طرفدن یکیلوب اسیر دوشمه سی اوزرینه بوتون بوخیالات اوچدی، غائب اولدی؛ وقرالک آناسی لوئیزدوصاوا اوزمانک اک صاحب اقتدار وشوکت حکمداری اولان عثمانلی پادشاهی سلیمان خان قانونی به صیغنه رق ممانت استدعاسنه مجبوریت کوردی. بوزماندن اعتباراً فرانسه قرالک ایلچیلری بر قاچ دفعه « درگاه شوکتیناهه » کلوب کیتدیلر؛ « غایت خرسیتیان قرال »، مسلمان تورکرله اتفاقدن یک متفر اولقله برابر، شارلکنک صقیدشیرمه سی اوزرینه، نهایت ۱۵۳۵ سنه سی برمقاوله اتفاقیه عقدنده مضطر قالدی. مع مایه فرانسوا بو اتفاقنی نصرانی اوروپادن کیزلی طوتارو « دین دشمنی » تورکرله دوستلغی هیچ بر کیسه به بیلدیرمه مک ایستردی. تورک اتفاقدن فرانسه نک قزانجی یک چوق اولدی. سلیمان قانونیک بیتمز توکنمز نمچه ولمان سفر لرله هابسبورغلرک قوت و اقتداری قیریلهرق، فرانسه یی شرق وجنوبندن صقیدشیرن شارلکن ایمرله طور لغنک تضییق خفیفلشدی، فرانسه، ایمراطورلغه الحاق اولنق تهاککه سی آتلاتدی. بوندن باشقا شرقده برسوری پایدار منافع مادیده تأمین ایده بیلدی: فرانسولر، عثمانلی لیان واسکله لرینک جمله سنده

اجرای تجارت حقنی قزانیدیلر، دیگر دولتلرک کیلری عثمانلی صولرنده آنجق فرانسز باندره سیله کشت و کذار ایده بیله جکدی. بومقاوله ایله فرانسه کندی تبعه سنک مالک عثمانیه داخلنده حریت کامله دینیه سی تأمین ایتدیکی کبی، « مقسامات مبارکه » نک (یعنی قدس شریفده عندالنصارا مقدس عد اولنسان بعض محللرک) محافظه سی خدمت موجب المفخرتی ده) کندی تبعه سنه بخش ایتدیرمشدی؛ ۱۵۳۵ عهدنامه قدیمده مذکور حقوق، بالاخره فرانسه نک، دولت عثمانیه تبعه خرسیتیانیه سنه نوعما بر حق حمایت وصحابت ادعاسنه بیله میدان آچمشدر.

فرانسز منابعندن استخراج اولنان شومعلوماتدن ا کلاشیلیورکه، فرانسزلرله ایلاک تأسیس مخادنت ایتدیکنمز وقت، اولنر بودوستلغی آرامه به مجبور اولدقلری حالده، دوستلقدن اصل استفاده ایدن ینه اولنر اولمشلردر. فرانسوا قانونی سلطان سلیمان سایه سنده قرالغنی، مملکتنی شارلکن آلندن قورتارمش، واوسته سنه شرقده برنوع حق انحصار تجاری قزانمش، و بوده تیمورمش کبی زواللی تورکرلرک باشنه، شمدی به قدر آتامادقلری قایتولاسیون بلاسی دولامشدر. بوکامقابل عجبا تورکرلر نه قزانمشلر؟ کرک عثمانلی، کرکسه فرانسز تاریخلری بوکا دائر شارلکن قوتنک برقسمنی کندی اوزرینه جلب ایتمکدن غیری برشی کوسترمیورلر، حالبوکه فرانسوا بووظیفه سی ده مردجه ایفا ایتمه مشدر: سلیمان قانونیک نمچه سفرلردن بریسنده، پادشاه، قرالک حاضرلانبوب یاردمه کلمه سی تکلیف وطلب ایتمش ایکن، عهده وفاسزلقله مشهور فرانسوا لیت ولعل ایله وقت کچروب معاونتدن استنکاف ایلمش وپادشاهک مخق سرزنشنه اوغرامشدر. بووقعه یی فرانسز مورخی متوفی رامبو (Rimbaud) نقل ایدیور.

خرستیان اوروپا افکار عمومیه سی، باشده، غایت خرسیتیان قرالک امیرالمؤمنین ایله اتفاقنه یک حدتلمش ایدی؛ قرالک بوحرکتی عادتاً نصرانیه خیانت کبی تلقی اولنیوردی. فقط بو « خیانت » ک مادی، پاردلی منافعی یک چابوق تظاهر ایتدیکندن، دیگر خرسیتیان حکمدارلرده فرانسوانک اثرینه اکتفاده کچیکمه دیلر. حتی بالذات پایا جنابلری بیله، عین حقوق اقتصادی یی استحصال ایچون ۱۵۳۵ قایتولاسیوننه اشتراک ارزوسنی اظهار ایله دی..!

ایشته بوضورتله بزم زیانمزه، فرانسزلرک، یالکز فرانسزلرکده دکل، بوتون خرسیتیان اوروپانک فائده سنه اولهرق باشلامان تورک — فرانسز دوستلغی، آز چوق فاصله لر ایله، بوکونه قدر دوام ایتمکده در. فرانسه نک تورک دوستلغندن بکلدیکی یک معین وصریح ایکی شی واردر: برنجیسی، شرقده منافع اقتصادی سی تأمین وتوسیع ایتمک، حتی قابله بوتون تورکیه یی انحصار اقتصادی سی آلتنه آلق؛ ایکنجیسی، شرق خرسیتیانلرینی رعلی الحصوص قاتولیق مذهبنده اولانلرینی تعلیم، تربیه وحمایه ایده رک واولنر واسطه سیله فرانسه مدینتی عناصر سائریده نشر وتلقیح ایله یه رک، شرقی برنوع نفوذ وحاکمیت مدنیاسی بویوندروغنه کچیرمک. اشبو مقاصدی استحصال ایده بیلیمک ایچون،